

آبونه شرائطی

داخلی ، خارجی هریر ایچون
سنه لکی (۲۰۰) ، آلتی آیلنی
(۱۳۰) غروشدور.

[نسخہ سی ۵ غروش ،
سنه لکی ۵۲ نسخہ در .]

اداره خانه

باب عالی جاده بندہ دائرہ مخصوصہ

اخطارات

آبونه بدلی پیشیندر

مسئله موافق آثار مع الممنونیه
قبول اولتور . درج ایدلہین
یازیلر اعاده اولونماز .

کتابخانه

تعمیرات

دینی ، فلسفی ، علمی ، ادبی ہفتہ لاق مجموعہ اسلامیہ در

والله یهدی من یشاء الی صراط مستقیم

باش محرر
محمد تا کف

صاحب و مدیر مسئول
اشرف ادیب

آبہون اهدہ کم سبیل الرشاد

عدد : ۳۶۹

۶ ذی الحجہ ۱۳۳۶

پنچشنبہ

۱۲ ایلول ۱۳۳۴

جلد ۱۵

ادبیات :

فضولی بغدادی نغمی ارضرومی به

بر تزلزلی ، صانکه بر محشر ،

صوردم افلاکه ، خائف و مغموم ،

— ارضرومک سقوطی در ! ..

دیدیلر .

ابدیتده بی حضور اولدم .

او اوان غموم و حیرتده

سفی آکدم ، دوشوندم آغلایه رق .

بن اولورکن بوغمله نالنده ،

تزییوردی سسمده قلب عراق .

قهرمان ارضرومک اولادی ،

جانلی برقله سیدی اسلامک ؟

قاله جقدر مؤیداً یادی ،

صفحه خاطرنده ایامک .

قادرین ، آرکک ، چولوق چوجوق ، نه قدر

حق یولنده شهیدی وار بوراده :

بر معظم حظیره در طاغیر ،

قالدی براردو هر خراب اوواده ! ..

نغمی ، ای نیم روحدن متولد نجیب اوغلم ! ..

بن شمدی سنکله براز حسبحال ایتمک ایستم . اولاً ، سنک

بورایه ... بوابدیلر طلمه نصل کلدیکی حکایه ایدهم :

قرآنه ایمان ایدن شاعرلر ، حسان بن ثابتک اطرافنه طوبیلاشمس ،

هرکس کندی لسانیه صلاح الدین ابوبنی به ، محمود غزنوی به ، یاوز

سلطان سلیمه قصیده لر انشاد ایدیوردی . کعب بن زهیر بردن بره

تتردی .

بانت سعاد فقلی الیوم متبول

قصیده سنی حضور نبویه او قورکن کورولن هیجانی نه او یانمشدی .

دیدکی که :

— او بر دنیا ده اوستنده دمکذار اولدیغم ییلدیز ، بن بورایه

کلدکن صوکره کندی کونشنک اطرافنده بیک ایکی یوز دفعه دن

زیاده دور ایتمدی . بونکله برابر ، ترتیل قرآن ایدن شاعرلردن

هانکیسنه فوق العاده بر حال اولورسه بن بوراده تتره ، صارصیلیر ،

مضطرب و معذب اولورم . پیغمبرمک بکابرده شریفه سنی احسان ایدرکن
تبشیر ایتدیکی نم ابدیه بی حالا کورمدم .

کعب بن زهیره حسان بن ثابت جواب ویردی ،

— بن ده سنک کبییم عزیز قاردشم ، دیدی . سلاله معنویه مزندن

یریوزنده بر فرد قانجه به وافر د صووک مصراعنی سویلیتجه به قدر

بز حضور سرمدیدن نصیب موعودی آله میه جفز .

حسان بن ثابت توجیله کعب بن زهیر سوزنده دوام ایتمدی ،

— فقط بوسفرکی حالتی هیچ بر زمان حس ایتمدم ، دیدی .

شاعر تائب ابوطیب المتنبی اشقیبا آئنده پاره لانیکن بیله ، بن بو قدر

صارصلمامشدم . آفاق فندان آتیلان سهام حادثاتک بودقیقه ده عجب

هانکیسنه هدف اولیوروز ؟ ..

بوصر ده سن بردن بره کوروندک ای نغمی ! .. لرزان و نالان ،

ایکی الک قانلی باشکی هوایه طوغری طومش ، درگاه عزتی آرایوردک .

هم شاعرلری انوری ایله عرفی ،

— آه ! .. او ... بزم عثمانلی جمیته هدیه ایتدیکنم بیوک شاعر

نغمی ! ... عثمانلی پادشاهلرینک مناقب غزواتی ترنم ایدن مصراعلری

یریوزندن عکس ایدرکن بزروحلر ، رقصان اولوردق .

دیدیلر .

ابدیلر بیوک برکدر مستولی اولدی ! ..

بوسکو تسرای لم یزله

قان و افغان ایچنده کلدک سن ؟

خوف و حدتله ، غیظ و خشیتله

مشکدک مراد رابعدن .

طوغرولوب بارگاه مولایه ،

دیدک :

— ای رب عدل ورب عباد ،

سکا کلدم غریب و بیوایه

بخی قویدی بو حاله قهر مراد ! ..

سکا کلدم شهید و آواره ؟

سویله ای رب منزل القرآن ،

سویله سن ، یازدیغم قصیده لر

یا قشیرمیدی بویله بر احسان ؟ ...

بوسوزلرک عالم ارواحده برغانله ، بر فریاد قویارتدی نغمی . قرآنه

ایمان ایدن هر شاعر سنک کبی و سنکله برابر ، سلطان مراد رابعدن ،

سنک خون معصومکی دعوی ایدیوردی .

بوراده کیجه یوق ، کوندوز یوق . آرادن نه قدر زمان کجدی بیلمم ، سنی بارگاه مولایه متوجه ، دعا ایدر برحاله کوردم . بزدهایی بالکیز فانیلردن بکیرکن سنک بو حاکم همزهی اعجاب ایدیوردی . سوزلریکی دقتله ... جان وایمان قولاغیله دیکلدم . سن ، وجد واستفراق ایچنده ، کندکدن کچمش ،

— الهی !.. مراد رابعدن راضی اول . واونی لطف و کرمله ارضاء ایت ، دیبوردک . بنم قائم اوکا بیک کره حلال اولسون . او ، اگر بنی ثولدورمکه آثم ایسه ، ایشته نامه اعمال ، اوکناهی بنم حسابمه قید ایت . این اگر بغیر حق اعدام ایدلمش اولمقله ثوابه کبرمش سه ، بو ثوابی سن اونک دفتر افعاله کچیر یاری !...
بنی عفو ایت... او یالانجی دنیانک کندی کبی یالانجی تأثرلرینه قاپیله رق ، بر زمان اوندن سکا شکایت ایتشدم . ذنب و جرمی عفو ایت الهی !...

سن بویله سوبیلوردک نفی ! .. حالکده کی بوتجوله بن بهت عظیم ایله حیرت ایتدم . اودقیقه ده کی شوق و شکر انکک سینی ، سن ، ینه کندی توصیفکله ،

هم دونر ، هم اشکنی ایلم صفا سندن روان طورنده ایدیلره آکلادیرکن دیبوردک که :

— سلطان مراد رابع ، او بنم بیوک پادشاهم ، بغدادی نهایت استرداد ایتدی . باقکیز ، ایشته امام اعظمک تر به سنی طواف ایله اسلامه نصرت دیلیور . شاعر محیی افندی ده پادشاهک آرقه سنده ، خشوع تعظیم ایله آل باغلامش ، کوزلردن مبارک چهره سیله آق صقالنه (قطیف) ک انجیلردن داها کوزل یاشلر دو کولیور . باقکیز ، ایشته دجه ، ایشته فرات ! .. عراقک بو ایکی دیده حیاتی ده شمعی شوق ایله ، شکران ایله آغلیور . یتیم عراق ، یتیم بغداد ، اب ازلیسنه قوشدی . کاشکی بیک جانم داها اولایدی ده پادشاهمک جلادی آئنده و تخفی اوکنده روان اولایدی ! .. او وقت بن بورایه شاکی دکل ، شا کر ، لرزان دکل ، رقصان کلیردم ! ..

آه ای نفی ! .. بو خطبه ک همزهی وجده کتیردی . و هر طرفدن برغلغله شکران ، بر لوله دعا بو کسلیدی . بکلدیکنمزی قیامت بشقه بر صورتده و باشقه حالتده قویتمشدی . قرآنه ایمان ایدن شاعر لر ، حسان بن ثابتی امام ایدرک ، بارگاه اعلا یه یوز طوتدیله ، و دعالرینه و عدقبول آنجه یه قدر ساطان مراد رابع ایچون اللهدن کوز یاشاریله عفو و غفران نیاز ایتدیله . شمعی ای شاعر !.. سن ده ، بن ده ، سنک و بنم کبی بر جوق اهل ایمان ده - یتیمز ... یتیم دار ، یتیم دیار ، یتیم تاریخزه . بنم بغدادم ده سنک ارضرومک کبی ، اعدای دین آئنده ایکیلیور .

دجه یه باق : طالع لردن ،

روان پاک محمد سجاده کریاندر

مخلداتی اسلامک ایتدیله تحریف ؛

امام اعظمک آفاق اجتهادنده

ایدر مجادله ناقوس ایله اذان شریف ! ..

نوحه لری بورالره قدر عکس انداز ! ..

الله اکبر ! ..

فراتی دیکله : موجه لردن ،

سر مبارکک ای قره دو چشم رسول ،

شهادتکنده سنک تن جدا اولوب کیتدی ؛

بو کون ده - طالع اسلامه باق که - مشهدیکی

ویروب عدویه یتیم وطن جدا ایتدی ! ..

نالهلری بورالرده بیله ولوله ساز ! ..

الله اکبر ! ..

ای نفی ، ای بنم روحدن متولد اوغلم ! .. بزشمعی هرایکیمز ،

همطالع و همدردز .

سنکله برابر ، کل ، سلطان مراد رابعک حضور مبارکک یوزلر

سوره لم . او حیلتی پادشاه بزه هم دلیل اولسون ، هم شافع . خلیفه

بالحق اسلامک لوای حاکمیتی سنک ارضرومکه بنم بغدادمک برجلری

اوستنده غالبیله تموج ایدم جکی کونه قدر بزه ترتب ایدن وظیفه

آغلامق و پالوارمق در . بز بو وظیفه یی ایضا ایدرکن سجده لر منزله

عرش اعلی تتره سون ! ..

سلیمان اظیف

ذی القعدة ۱۳۳۵

اسلام و مدنیت

— ۲ —

بلاده کی افاداعزهی تأیید ایچون « جول لایوم » ک قرآن کریم

ایچون ترتیب ایتدیکی فهرستده هر بیک ماعداسی اقوامک او زمانکی

احوالی حقیقه کی بیاناتی نقل ایتدیکی مناسب کوردک :

آلتنجی عصر میلادیده ، محمد (صلی الله علیه وسلم) ک ولادتی

صره لرده آفاق بشریتده مدهش قاصیرغله اسبیور ، عالم امواج

اضطرابات ایچنده چالقانوب طورییور ایدی .

اوروپاده ویزیغوتلر ، اسپانیاده و جنوبی فرانسه ده قاتولیک قلو فیس

واوغلاریله چارپیشیورلر ، شرق امپراطوری ژوستینیانوسدن امداد

ایستیورلرایدی . امداده کلن روم سردار لرینک خصمک یداستیلا سندن

قورتارمش اولدقلری ممالک اوزرنده حق فتح ادعاسنه قالمیشمه لری

او یرلرک صاحب لرینی ، ملک لرینی بودفعه ده بونلرک نیجه احترا ساتندن

قورتارمق ایچون ، ایکنجی بر حرب فائله سنی اقتحامه مجبور ایدیوردی .

اصل فرانسه ده قلو فیسک اوغللری یکدیگره قارشى سوء قصد ترتیبیله